

**BOSNA I HERCEGOVINA
MINISTARSTVO SIGURNOSTI
GRANIČNA POLICIJA**

IZVJEŠTAJ

**O IZVRŠENJU BUDŽETA GRANIČNE POLICIJE BOSNE I HERCEGOVINE
ZA 2017. GODINU**

Datum, 28.02.2018.godine

I UVODNE NAPOMENE

Izvještaj je sačinjen na osnovu člana 14. i 22. Zakona o finansiranju institucija Bosne i Hercegovine («Službeni glasnik BiH» broj 61/04, 49/09, 42/12, 87/12 i 32/13) i člana 20. i 21. Pravilnika o finansijskom izvještavanju institucija Bosne i Hercegovine.

Zakonom o budžetu institucija Bosne i Hercegovine i međunarodnih obaveza Bosne i Hercegovine („Službeni glasnik BiH“ broj 101/15), za Graničnu policiju Bosne i Hercegovine kao budžetskog korisnika odobrena su sredstva u iznosu od 74.080.000 KM od čega za tekuće izdatke 71.620.000 KM i kapitalne izdatke 2.460.000 KM. U sklopu kapitalnih izdataka uključena je nabavka motornih vozila koja će se djelimično finansirati iz primitaka od prodaje motornih vozila u iznosu od 150.000 KM.

U izvještajnom periodu vršene su analize izdataka po pojedinim budžetskim pozicijama i utvrđeno je da su raspoloživa sredstva na svim budžetskim stavkama dovoljna za izmirenje svih obaveza Granične policije Bosne i Hercegovine, odnosno u toku 2017. godine nije rađeno prestrukturiranje rashoda.

U toku 2017. godine ukupno ostvareni primici od prodaje stalnih sredstava su 153.853 KM s tim što je u sklopu ostvarenih primitaka planirani iznos 150.000 KM.. Od ukupno ostvarenog iznosa primitaka od prodaje stalnih sredstava, od prodaje motornih vozila ostvareno je 153.743 KM (150.000 KM planirani primici od prodaje motornih vozila) i od prodaje starih bicikla 110 KM. Primitak od 110 KM nije stavljen na raspolaganje Graničnoj policiji Bosne i Hercegovine. Ostvareni primitak od prodaje motornih vozila utrošen je za nabavku službenih vozila u skladu sa Namjenskom strukturom kapitalnih ulaganja. U toku godine vršena je promjena Namjenske strukture kapitalnih ulaganja prema potrebama nabavke u toku 2017. godine

Nakon navedenih izmjena ukupan Budžet Granične policije Bosne i Hercegovine iznosi 74.083.743 KM, od čega su tekući izdaci 71.620.000 KM, a kapitalni izdaci 2.049.743 KM.

U izvještajnom periodu vršene su analize izdataka u odnosu na odobrena budžetska sredstva, te su mjesečni i kvartalni izvještaji o izvršenju budžeta dostavljani kako Ministarstvu finansija i trezora Bosne i Hercegovine, tako i rukovodstvu Granične policije Bosne i Hercegovine u skladu sa Pravilnikom o finansijskom izvještavanju institucija Bosne i Hercegovine.

Kao rezultat navedenih analiza i adekvatnog praćenja budžetskih rashoda je pokazatelj o izvršenju budžeta u procentu od 90 % u odnosu na odobreni budžet za Graničnu policiju Bosne i Hercegovine, što ukazuje da je ostvarena ušteda budžetskih sredstava u iznosu od 7.518.360 KM.

U tabeli koja slijedi dat je uporedni pregled odobrenog i izvršenog budžeta Granične policije Bosne i Hercegovine za period 01.01. – 31.12.2017. godine, a u nastavku obrazloženja pojedinih budžetskih stavki:

Red. br.	Vrsta	Budžet 2017.god.	Primici	Korigovani budžet za 2017. god.	Izvršenje 2017.god.	Razlika	Indeks
1	2	3	4	5	6	7 (5-6)	8 (6/5)
I	Tekući izdaci	71,620,000	0	71,620,000	64,737,108	6,882,892	90
1	Bruto plate i naknade	53,550,000		53,550,000	49,255,740	4,294,260	92
2	Naknade troškova zaposlenih	11,150,000		11,150,000	9,998,931	1,151,069	90
3	Putni troškovi	230,000		230,000	214,878	15,122	93
4	Izdaci tel.i poštanskih usluga	290,000		290,000	214,220	75,780	74
5	Izdaci za energ.i kom.usluge	450,000		450,000	417,596	32,404	93
6	Nabavka materijala	2,930,000		2,930,000	2,349,518	580,482	80
7	Izdaci za usl. prevoza i goriva	1,000,000		1,000,000	856,839	143,161	86
8	Unajmljiv. imovine i opreme	490,000		490,000	473,725	16,275	97
9	Izdaci za tekuće održavanje	800,000		800,000	575,358	224,642	72
10	Izdaci za osiguranje	210,000		210,000	179,476	30,524	85
11	Ugovorene usluge	520,000		520,000	200,827	319,173	39
II	Kapitalni izdaci	2,460,000	3,743	2,463,743	1,828,275	635,468	74
1	Nabavka građevina	100,000		100,000	73,005	26,995	73
2	Nabavka opreme	2,006,000	3,743	2,009,743	1,558,550	451,193	78
3	Nabavka ostalih stal.sreds.	9,000		9,000		9,000	0
4	Nabavka sreds.u obliku prava	345,000		345,000	196,720	148,280	57
III	SVE UKUPNO	74,080,000	3,743	74,083,743	66,565,383	7,518,360	90
	Broj zaposlenih	2,371			2,082		

1. Bruto plate i naknade

U 2017. godini za bruto plate i naknade zaposlenih utrošeno je ukupno 49.255.740 KM, što čini 92 % odobrenih budžetskih sredstava, a što je za 1% više u odnosu na bruto plate i naknade u 2016. godini. Planirani iznos bruto plata i naknada za 2017. godinu je 53.550.000 KM za 2.371 zaposlenog. Stanje zaposlenih na kraju 2017. godine je 2.082 što je za 289 manje u odnosu na planirani broj zaposlenih i glavni razlog značajne uštede sredstava na stavki bruto plata i naknada u 2017. godini. U toku 2017. godine Graničnu policiju Bosne i Hercegovine po osnovu penzionisanja napustilo je 84 službenika, po osnovu sporazumnog prekida radnog odnosa 7 službenika, po osnovu smrti 5 službenika, po osnovu prekobrojnosti 3 službenika, po osnovu neopravdanog izostanka sa posla 1 službenik, po osnovu izrečene pravosnažne kazne zatvora u trajanju šest mjeseci i duže 1 službenik, 1 službenik po osnovu disciplinskih i drugih mjera, i po osnovu isteka perioda rada na određeno vrijeme 7 zaposlenika i 1 pripravnik. U toku 2017. godine u radni odnos primljeno je 8 službenika i to: 2 zaposlenika sa visokom stručnom spremom, 1 zaposlenik sa višom stručnom spremom, 1 zaposlenik sa srednjom stručnom spremom i 1 zaposlenik sa nižom stručnom spremom na određeno vrijeme do tri mjeseca i 3 zaposlenika po realizaciji Javnog oglasa na neodređeno vrijeme. Broj suspendovanih službenika sa 31.12.2017. godine je 13.

U oktobru 2017. godine došlo je do povećanja koeficijenata za plate policijskih službenika od čina policajac do Glavni inspektor. Mada su plate policijskih službenika značajno povećane, ostvarena ušteta na bruto platama i naknadama je 4.294.260 KM, ali kao što je već naprijed navedeno, na visinu uštede najviše je uticalo znatno manji broj zaposlenih u odnosu na planirani u GP BiH.

Broj zaposlenih na dan 31.12.2017. godine je 2.082 službenika, od čega 1.882 policijskih službenika, 150 uposlenika i 50 državnih službenika.

Za neto plate i naknade izdvojen je iznos od 28.119.960 KM, a za poreze i doprinose iznos od 21.135.780 KM. Prosječna neto plata za izvještajni period iznosi 1.104,60 KM, a prosječna bruto plata 1.934,86 KM.

U odnosu na Pravilnik o unutrašnjoj organizaciji Granične policije Bosne i Hercegovine prema kome je predviđeno 2646 zaposlenih, nepopunjeno je 564 radnih mjesta i to:

- policijskih službenika 544
- državnih službenika 7
- uposlenika 13

2. Naknade troškova zaposlenih

Za naknade troškova zaposlenih izdvojeno je ukupno 9.998.931 KM, što čini 90% odobrenih sredstava, a obuhvataju izdatke za:

• naknade za prevoz sa posla i na posao	4.126.292 KM
• naknade troškova smještaja zaposlenih	153.400 KM
• naknade za odvojeni život	104.859 KM
• naknade za topli obrok tokom rada	2.723.119 KM
• regres za godišnji odmor	640.380 KM
• otpremnine u mirovinu	591.232 KM
• pomoći u slučaju smrti	206.670 KM
• pomoć u slučaju teže invalidnosti	112.050 KM
• jubilarne nagrade	214.140 KM
• porezi i doprinosi na naknade	1.126.789 KM

Naknade troškova zaposlenih manje su za 5% u odnosu na 2016. godinu, a glavni razlog je manji broj zaposlenih (102) u odnosu na prethodnu godinu. U odnosu na planirane naknade za 2017. godinu ostvarena je značajna ušteda sredstava u iznosu od 1.151.069 KM, a razlog je 289 zaposlenih manje u odnosu na planirani broj i 13 službenika na suspenziji. Otpremnine za odlazak službenika u penziju znatno su veće u odnosu na planirane jer je 84 službenika penzionisano u toku 2017. godine. Ostale naknade su uglavnom manje u donosu na 2016. godinu što je u skladu sa znatno manjim brojem zaposlenih.

3. Putni troškovi

Za putne troškove u izvještajnom periodu utrošeno je 214.878 KM, što predstavlja 93% odobrenih budžetskih sredstava, od čega su:

• izdaci putnih troškova u zemlji	147.168 KM
• izdaci putnih troškova u inostranstvu	67.710 KM

Ukoliko se uporede izdaci za putne troškove za 2016. i 2017. godinu, evidentno je da su izdaci u 2017. godini veći za 106%, s tim što su izdaci putnih troškova u zemlji veći, a izdaci putnih troškova u inostranstvu manji u odnosu na prethodnu godinu.

Putovanja u zemlji odnose se na obuke policijskih službenika koje su se održavale van mjesta njihovog boravka, izvođenje akcija van mjesta rada, putovanja referenata za MTS i referenata koji rade na održavanju telekomunikacione opreme. Na znatno povećanje putnih troškova u zemlji

uticalo je privremeno premještanje službenika iz njihovih matičnih jedinica na najfrekventnije granične prelaze putem naloga za službeno putovanje (u decembru 40 službenika prebačeno u JGP Trebinje na period od 10 dana).

Troškovi izdataka za službena putovanja u inostranstvu odnose se na obuke policijskih službenika u inostranstvu i njihovo prisustvo na raznim seminarima, ekstradicije po nalogu Suda i Tužilaštva i putovanja menadžmenta Granične policije Bosne i Hercegovine. Na smanjenje putnih troškova u inostranstvu utiče manji broj službenih putovanja kao i refundacije od strane FRONTEX-a i refundacije za ekstradicije.

Neopravdane akontacije za službena putovanja iznose 18.200 KM i ako se uzmu u obzir u izdacima putnim troškovima, izvršenje na ovoj stavci se uklapa u planirane izdatke.

4. Izdaci telefonskih i poštanskih usluga

U izvještajnom periodu za navedene izdatke utrošeno je ukupno 214.220 KM, što predstavlja 74% odobrenih budžetskih sredstava od čega za:

• fiksne telefone	124.336 KM
• mobilne telefone	19.752 KM
• internet	52.376 KM
• poštanske usluge	17.756 KM

Izdaci telefonskih i poštanskih usluga su za 11 % manji u odnosu na prethodnu godinu. Smanjenje troškova telefonskih usluga uzrokovano je pored već ranije poduzetih mjera štednje (uvođenje besplatnih linija između organizacionih jedinica) i otkazivanje značajnog broja mobilnih telefona (korištenje TOP TIM paketa). U odnosu na 2016. godinu izdaci za internet su takođe su smanjeni za 7,5%.

5. Izdaci za energiju i komunalne usluge

Za izdatke energije i komunalnih usluga izdvojeno je ukupno 417.596 KM odnosno, 93% odobrenih budžetskih sredstava od čega za :

• energiju	286.374 KM
• lož ulje i drvo	40.691 KM
• plin	36.843 KM
• izdaci za vodu i kanalizaciju	23.980 KM
• izdaci za održavanje zelenih površina	2.597 KM
• usluge odvoza smeća	15.234 KM
• usluge održavanja čistoće	8.529 KM
• ostale komunalne usluge	3.347 KM

Izdaci za energiju i komunalne usluge su na isto nivou kao i u 2016. godini. Svi troškovi u okviru ove budžetske stavke su na približno istom nivou kao i u prethodnoj godini. U odnosu na planirane troškove ostvarena je ušteda u iznosu od cca 32.000 KM.

6. Nabavka materijala

Za nabavku materijala utrošeno je ukupno 2.349.518 KM odnosno, 80% odobrenih budžetskih sredstava. Odobrena budžetska sredstva na ovoj stavci su 2.930.000 KM, pa je evidentno da je su ušteda na ovoj budžetskoj stavci cca 580.000 KM. Ostvarena ušteda se najvećim dijelom odnosi na stavku izdaci za odjeću, uniforme i platno, odnosno na nabavku dijelova policijske uniforme.

Prilikom planiranja budžeta za 2017. godinu za nabavku dijelova policijske uniforme u skladu sa Planom nabavki dijelova policijske uniforme i Pravilnikom o izgledu policijske uniforme predviđen je iznos od 2.300.000 KM. U toku 2017. godine nabavljeni su slijedeći dijelovi policijske uniforme: košulje, pantalone, košulje, majice i prsluci za Jedinicu za podršku, zimske jakne (836.000 KM) i čarape. Ostatak utrošenih sredstava na nabavci materijala odnosi se na nabavku: obrazaca i papira, kompjuterskog materijala (toneri i ketridži), stručnih knjiga i literature , ostali administrativni materijal, medicinski i stomatološki materijal, materijal za javni red i sigurnost (minicija i materijal za izvođenje bojevog gađanja), materijal za čišćenje, hrana za službene pse i sitan inventar.

Izdaci za nabavku materijala veći su za 209% u odnosu na prethodnu godinu, a glavni razlog je veći procenat realizacije plana nabavki dijelova policijske uniforme.

7. Izdaci za usluge prevoza i goriva

Izdaci za gorivo u izvještajnom periodu realizovani su u iznosu od 856.839 KM što čini 86% odobrenih budžetskih sredstava. Izdaci za usluge prevoza i goriva veći su 7% u odnosu na 2016. godinu, na šta je uticala nešto veća potrošnja goriva u 2017. godini. Izdaci za registraciju motornih vozila veći u odnosu na 2016. godinu zbog nabavke novih vozila (kombi - 13 kom). Granična policija Bosne i Hercegovine sa 31.12.2017. godine raspolaže sa ukupno 345 službenih vozila od čega je specijalizovanih vozila 342 (308 službenih vozila, 18 motocikla, 16 čamaca) kao i 23 prikolice (Tabela vozila u prilogu izvještaja).

Izdatke za usluge prevoza i goriva čine:

• benzin	18.002 KM
• dizel gorivo	755.963 KM
• motorno ulje	1.040 KM
• usluge premještaja i selidbe	3.874 KM
• registracija motornih vozila	77.960 KM

8. Unajmljivanje imovine i opreme

Za izdatke zakupa poslovnih prostora izdvojeno je 473.725 KM što čini 97% odobrenih sredstava, od čega za:

• zakup prostora i zgrada	302.307 KM
• zakup parking prostora	14.006 KM
• zakup smještaja telekomunikacione opreme	157.413 KM

Izdaci za unajmljivanje imovine i opreme manji su u odnosu na 2016. godinu za 3%, što se moglo i predvidjeti prilikom planiranja zakupa za 2017. godinu, jer je planiran i manji godišnji iznos za zakup. Zakup prostora i zgrada manji je za 5% u odnosu na prethodnu godinu zbog smanjenja cijene na ugovoru o zakupu prostora sa firmom MISIR d.o.o Čapljina polovinom 2016. godine., dok je zakup za smještaj telekomunikacione opreme nešto veći zbog povećanja cijena zakupa na nekim ugovorima o zakupu (Hrvatske telekomunikacije, Proelart).

9. Izdaci za tekuće održavanje

Za izdatke tekućeg održavanja utrošeno je ukupno 575.358 KM odnosno, 72% odobrenih budžetskih sredstava od čega za:

• materij. za održavanje opreme, zgrada, i vozila	222.006 KM
• usluge opravki i održavanja zgrada, vozila i opreme	286.996 KM
• usluge održavanja softvera	5.733 KM
• usluge pranja vozila	26.602 KM
• ostale usluge tekućeg održavanja	34.021 KM

Izdaci za tekuće održavanje manji su u odnosu na prethodnu godinu za 11%, što ukazuje da je ostvarena ušteda u iznosu od cca 225.000 u odnosu na planirana sredstva. Najznačajnija ušteda ostvarena je na uslugama za održavanje, zgrada, opreme i vozila zbog manjeg broja velikih popravki na vozilima i opremi, a razlog je stalno zanavljanje voznog parka i opreme. Veliki dio materijala za opravku i održavanje opreme odnosi se na kupovinu godišnjih licenci za rad kompjuterske i telekomunikacione opreme i dijelova za popravku iste. Na ostalim uslugama tekućeg održavanja evidentira se usluga upotrebe multifunkcionih uređaja (kopir, printer, E-mail) i izdaci su na istom nivou kao i u prethodnoj godini..

10. Izdaci za osiguranje i bankarske usluge

Za izdatke osiguranja i bankarske usluge utrošeno je 179.476 KM, što čini 85% odobrenih budžetskih sredstava, od čega za :

• osiguranje službenih vozila	173.092 KM
• osiguranje zaposlenih pri odlasku na službeni put	1.664 KM
• bankarske usluge	720 KM
• osiguranje imovine	4.000 KM

Izdaci za osiguranje i bankarske usluge veći su za 13% u odnosu na 2016. godinu, a uzrokovano je nabavkom novih vozila i većim brojem kasko osiguranih vozila, što će biti trend i u narednoj godini. Izdaci za osiguranje zaposlenih su manji u odnosu na prethodnu godinu zbog manjeg broja službenih putovanja u inostranstvo.

11. Ugovorene usluge

Za ugovorene usluge utrošeno je ukupno 200.827 KM što predstavlja 39 % odobrenih budžetskih sredstava, od čega za:

• usluge reprezentacije	34.560 KM
• usluge media i izdaci za informisanje	1.879 KM
• usluge objavljivanja tendera i oglasa	12.678 KM
• usluge izrade službenih legitimacija	40 KM
• ostale stručne usluge	3.495 KM
• usluge stručnog obrazovanja	1.246 KM
• pravne usluge, hardverske i softverske usluge	6.257 KM
• usluge primarne zdravstvene zaštite	20.818 KM
• usluge konsultativno-specijalističke, zdravstvene, bolničke	3.127 KM

• medicinske i laboratorijske usluge	7.398 KM
• izdaci za rad komisija	800 KM
• porezi i doprinosi za rad komisija	271 KM
• troškovi spora	2.421 KM
• ugovori o djelu	1.410 KM
• ugovori za privremene i povremene poslove	31.370 KM
• dopr. i porezi po osnovu ugovora o djelu	889 KM
• dopr. i porezi po osnovu ugovora za priv. i pov. poslove	5.002 KM
• izdaci za volonterski rad-naknade kadetima	41.815 KM
• porezi i dop. na ugovore o volonterskom radu	12.709 KM
• ostale nepomenute usluge i dažbine	8.651 KM
• troškovi vještačenja, svjedoka i sudija porotnika	1.566 KM
• kursevi za pol. službenike	2.424 KM

Mali procenat izvršenja na ugovorenim uslugama uzrokovan je nerealizacijom plana obuke kadeta u 2017. godini. U 2017. godini planirano je da se završi obuka za 20 kadeta mlađih inspektora i 50 kadeta policajaca i da otpočne obuka za 100 kadeta policajaca. Obuka za 70 kadeta počela je u oktobru 2017. godine, a za 100 kadeta u januaru 2018. godine. Planirana sredstva za obuku kadeta u 2017. godini su 280.000 KM, a utrošeno je 54.524 KM, što ukazuje da je ušteda cca 225.000 KM. Izdaci za ugovorene usluge manji su u odnosu na prethodnu godinu zbog ostvarene ušteda na plaćanju kurseva za policijske službenike pogotovo za obuke iz oblasti sigurnosti aerodroma. Aerodromsko preduzeće provelo je besplatnu obuku za policijske službenike koji rade na poslovima sigurnosti aerodroma. Sredstva reprezentacije trošena su u skladu sa Pravilnikom o reprezentaciji GP BiH. Ugovori za privremene i povremene poslove odnose se na plaćanje prevodilaca za strane jezike po potrebi na graničnim prelazima i ne mogu se unaprijed planirati jer se nikad ne zna koji će se prevodilac angažovati u datom trenutku i povećani su u odnosu na prethodnu godinu za 25%. Ostali izdaci na ugovorenim uslugama su na istom nivou kao i u prethodnoj godini ili nešto manji, što je sve ukupno uticalo na nizak procenat izvršenja.

II KAPITALNA ULAGANJA

Zakonom o budžetu institucija Bosne i Hercegovine i međunarodnih obaveza Bosne i Hercegovine, Graničnoj policiji Bosne i Hercegovine odobreni su kapitalni izdaci u iznosu 2.460.000 KM, od čega je 150.000 KM planiranih primitaka od prodaje stalnih sredstava – motornih vozila. U toku 2017. godine izvršena je prodaja 21 otpisanog motornog vozila i dva stara biciklate je ostvaren primitak u iznosu od 153.853 KM od čega iznos od 153.743 KM za motorna vozila i 110 KM za ostala prevozna sredstva.

U toku 2017. godine izvršena je izmjena Namjenske strukture kapitalnih ulaganja s ciljem da se izvrši nabavka potrebne opreme u datom trenutku, a i u skladu sa planom.

Ukupni Kapitalni izdaci za 2017. godinu iznose 1.828.275 KM što je 74% u odnosu na odobrena budžetska sredstva, a odnose se na nabavku: građevine 73.005, namještaj 12.607 KM, kompjuterska oprema 177.820 KM, oprema za prenos podataka i glasa 233.810 KM, motorna vozila 904.781 KM, elektronska oprema 16.059 KM, fotografska oprema 13.094 KM, laboratorijska oprema 22.757 KM, strojevi, uređaji, alati i instalacije 2.757 KM, ugrađena oprema 36.243 KM, policijska oprema 123.680 KM, specijalna oprema pečati 6.752 KM, ostala oprema 8.190 KM, licence 21.473 KM, softveri 151.252 KM i ulaganja u tuđa sredstva 23.995 KM.

U toku 2017. godine Granična policija BiH dobila je donacije u stalnim sredstvima u iznosu od 157.053 KM. Donacije se odnose na opremu za prenos podataka i glasa u iznosu od 15.754 KM, fotografsku opremu u iznosu od 7.047 KM, motorna vozila u iznosu od 50.000 KM, policijsku opremu u iznosu od 81.252 KM i jednog službenog psa u iznosu od 3.000 KM.

III ANALIZA BILANSA STANJA

Ukupna aktiva bilansa stanja Granične policije Bosne i Hercegovine na dan 31.12.2017. godine iznosi 18.156.302 KM, a sastoji se od sljedećih stavki:

- novčana sredstva u blagajni na dan 31.12.2017. godine u iznosu od 10.905,50 KM

Kratkoročna potraživanja u iznosu od 481.633 KM, a odnosi se na:

- akontacije za službena putovanja u iznosu od 18.200 KM,

- potraživanja za štete od Osiguravajućih zavoda za popravku vozila u iznosu od 19.820 KM

- potraživanja od Fonda zdravstvenog osiguranja RS i Federacije Bosne i Hercegovine u iznosu od 61.227 KM (Fond zdravstvenog osiguranja RS 10.400 KM za 2017. godinu i Zavod za zdravstvenu zaštitu F BiH 50.827 KM za period od 2015. i 2017. godine)

- ostala potraživanja u iznosu od 29.005 KM, odnose se refundacije putnih troškova od FRONTEX-a i ekstradicija, disciplinske mjere, naknade materijalne štete i refundacije troškova električne energije

- potraživanja od Hercegovačke banke d.d. u iznosu od 313.991 KM

Kratkoročni plasmani odnose se na depozit kod drugih pravnih lica u iznosu od 116 KM.

Ostali razgraničeni rashodi u iznosu od 39.273 KM (odnose se na kasko osiguranje vozila i osiguranje imovine za 2018. godinu).

Stalna sredstva u iznosu od 17.663.763 KM.

Ukupna pasiva bilansa stanja Granične policije Bosne i Hercegovine na dan 31.12.2016. godine iznosi 26.021.274 KM, a sastoji se od sljedećih stavki:

- kratkoročne tekuće obaveze prema dobavljačima i fizičkim licima u iznosu 2.631.458 KM

- obaveze prema fizičkim licima u iznosu od 17.292 KM (obaveze po osnovu ugovora o privremenim i povremenim poslovima)

- plate za zaposlene za decembar 2017. godine u iznosu 2.247.237 KM

- obaveze za naknade plate zaposlenim u iznosu od 260.509 KM, a odnose se na obaveze za naknade neto plate za decembar 2017. godine

- obaveze za poreze i doprinose na platu u iznosu 1.993.630 KM odnose se na obaveze za poreze i doprinose za platu za decembar 2017. godine

- ostale obaveze prema djelatnicima u iznosu od 756.191 KM, a odnose se na obaveze prema zaposlenim za topli obrok, prevoz, otpremnine i ostale naknade troškova zaposlenih za decembra 2017. godine

- razgraničeni rashodi u iznosu od 451.193 KM, a odnose se na rezervisanja za kapitalna ulaganja u iznosu od 432.077 KM (građevine 48.110,40 KM, namještaj 11.319,75, kompjuterske opreme 34.105,50 KM, opreme za prenos podataka i glasa 55.957,59 KM, elektronske opreme 14.180,40 KM, laboratorijska oprema 22.756,60 KM, ugrađena oprema 15.378,48 KM, policijska oprema 31.979,61 KM, sredstva u obliku prava 170.976,55 KM i rezervisana sredstva u 2016. godini za nabavku termovizijskih kamera 27.312,48 KM i ostale razgraničene rashode u iznosu od 19.117 KM (troškovi blagajne nastali u 2017. godini, a biće isplaćeni u 2018. godini).

Izvori sredstva u iznosu od 17.663.763 KM.

IV PRIHODI

Granična policija Bosne i Hercegovine u 2017. godini ostvarila je prihode u ukupnom iznosu od 685.316 KM, a sastoje se od:

- administrativne takse u iznosu 12.710 KM, a odnose se prihode od zahtjeva, molbi, prijedloga, prijava i dr., prihoda od žalbi protiv rješenja, prihode za rješenja za koje nije propisana posebna naknada, prihode od izdatih uvjerenja i prihode od vize za strance,
 - neplanirane uplate, prihodi od naplate premije osiguranja u iznosu 2.402 KM,
 - novčane kazne za prekršaje u iznosu od 171.128 KM (Zakon o graničnoj kontroli i Zakon o putnim ispravama),
 - prihodi od prekršajnih kazni po Zakonu o strancima i Zakonu o azilu u iznosu od 345.222 KM
- U toku 2017. godine ostvareni su primici od prodaje stalnih sredstava u ukupnom iznosu od 153.853 KM, s tim što je od prodaje motornih vozila ostvaren iznos od 153.743 KM, a od prodaje ostalih stalnih sredstava (dva stara bicikla) 110 KM. Ostvareni primici u iznosu od 153.743 unijeti su u raspoloživa sredstva, a iznos od 110 KM nije, iz razloga što je za ovaj iznos se ne može kupiti novo sredstvo.

V POPIS IMOVINE, OBAVEZA I POTRAŽIVANJA GRANIČNE POLICIJE BOSNE I HERCEGOVINE NA DAN 31.12.2017. GODINE

U skladu sa Odlukom o popisu i obrazovanju komisija za popis broj: 17-06-3-34-9-4282/17 od 07.12.2017. godine u periodu 15.12. do 31.12.2017. godine izvršen je popis imovine, obaveza i potraživanja Granične policije Bosne i Hercegovine sa stanjem na dan 31.12.2017.godine.

Prema izvještaju Centralne komisije za popis stanje sredstava, imovine, obaveza i potraživanja Granične policije na dan 31.12.2017. godine je:

1. Stalna sredstva	
- Knjigovodstveno stanje	56.357.891,64 KM
- Manjak	34.733,14 KM
- Neupotrebljiva sredstva (otpis)	835.816,32 KM
- Stvarno stanje	55.487.342,18 KM
- Sredstva u pripremi	432.077,26 KM
2. Stanje obaveza	8.357.511,13 KM
3. Stanje potraživanja	492.538,72 KM
4. Novčana sredstva	10.905,50 KM

U sklopu sredstava u pripremi nalaze se rezervisani rashodi za nabavku : građevine 48.110,40 KM, namještaj 11.319,75 KM, kompjuterske opreme 34.105,50 KM, opreme za prenos podataka i glasa 55.957,59 KM, elektronske opreme 14.180,40 KM, laboratorijska oprema 22.756,60 KM, ugrađena oprema 15.378,48 KM, policijska oprema 31.979,61 KM, sredstva u obliku prava 170.976,55 KM i rezervisana sredstva u 2016. godini za nabavku termovizijskih kamera 27.312,48 KM.

***Napomena:** Granična policija Bosne i Hercegovine je od Kancelarije za reviziju institucija Bosne i Hercegovine , za poslovanje u 2016. godini, dobila mišljenje sa rezervom.*

DIREKTOR
Glavni generalni inspektor

Zoran Galić